

汲縣今志

柏文蔚署



魏
青
鉉
撰

汲
縣
今
志

二十四年十一月刊行

中華民國二十四年十一月初版

汲縣今志一冊


版權所有
翻印必究

撰述者
魏青銓

印刷者

南京太平路一四四號
漢文正楷印書局
電話 二一四一五

著者小像



好個女孩子
公序

序

及門魏青銍。撰汲縣今志成。徵序於余。余匆匆展閱。見其義例整齊。頗得體要。徵引典核。具有根據。述沿革人物古蹟各門。尤能辨析精嚴。訂正嘉慶重修一統志河南通志衛輝府志汲縣志之誤。較之假借夸飾。以侈風土者。相去遠矣。晚近習俗陵遲。士不悅學。故書雅記。視同土苴。青銍以弱女子。生當學風僿陋之世。獨能惓惓於鄉邦文獻。惟恐失墜。潛心物外。以成此書。其研索之勤。擲撫之富。爲功良不可沒。蓋足爲辨方經野之資。非徒採風問俗而已。汲爲竹書出土地。文物雄視宇內。今青銍以汲人而述汲事。文辭斐然成章。固知靈秀所鍾。初不限於男子。青銍其勉乎哉。

汲縣今志序

二

中華民國二十四年十一月武進顧實惕生甫序

自序

汲縣據山河之隩。當冀豫之衝。綰轂中原。屏藩趙魏。自漢以還。爲侯國者六十餘年。爲郡治州治者六七百年。爲路治者約百年。爲府治者五百餘年。爲道治者十餘年。文物之盛。聲教之隆。夙爲兩河冠冕。其世代之興廢。吏治之良窳。人才之消長。風俗之醇漓。戶口之登耗。物力之盈縮。縣志言之詳矣。顧縣志成於乾隆二十年。疊經兵燹。存書已不易得。且其書疏略脫誤。距今又已一百八十年。不啻斷爛朝報。稽古識今。均有所不足取。年來雖倡議重修。而蒐討未聞。殺青無日。故家遺俗。流風善政。將隨陵谷起滅矣。夫『徵文獻則墜簡已亡。懷舊俗則高年無幾。瞻言丘壟。旌紀寂寥。』王秋澗已慨乎其言之。於今猶有甚焉。青鉛自漸末學。未能懷鉛提槧。訪殊方絕俗之語。而鄉邦文獻。素所究心。爰掇拾故典。網羅舊聞。博覽官書。綜核近事。草成汲縣今志初稿二十章。凡四萬言。述至民國二十四年夏秋間爲止。其中如沿革人物古蹟數章。隨文辯證。不敢訛以承訛。俾世之欲知汲縣崖略者。或有取焉。汲縣宋時屬河北路。宋史地理志稱『河北路人性大率氣勇尚義。號爲強伎。土平而近邊。習於戰鬥。宋初募置鄉義。大修戰備。爲三關置方田。以資軍廩。

汲縣今志 自序

二

契丹數來侵擾。人多去本。『今國步艱難。四郊多壘。大河以北。苞桑不固。遠不逮宋人之守圉。一旦秋風揚塵。塞馬南牧。其將何以措拄。尤不禁廢書三嘆也。』

中華民國二十四年冬月汲縣宋村魏青鉉撰於金陵寓樓

凡例

一，汲縣為衛輝府附郭。素無專志。清康熙間。李明經中節。始創為附郭考。知縣佟國瑞吳干將本之。以輯縣志。是為舊志。乾隆間。知縣徐汝瓚。復設局纂修。成書十四卷。是為流傳之汲縣志。

二，附郭考及康熙舊志。義例不明。乾隆志分圖說輿地建置賦役風土爵秩選舉人物藝文雜識各大綱。闕漏尚多。原書凡例已言。『唐謝偃宋賀鑄元王惲為汲邑文苑之望。求其遺集。竟不可得。』又言。『地瘠民貧。差繁事蹟。備員於此者。撫字催科。既非易易。趨承奔走。復不遑甯。奚暇奮墨揮鉛。從事圖經之役。』足見時地所限。蒐討未盡。三方志體裁。自以章實齋所論為準。本書撮述近事。略具規模。僅供識小之助。故體裁以意為之。不拘拘於古人繩墨。稱為今志而不稱為新志。

避與異日開館纂修之官書名稱雷同也。

四，書中里數。或以里計。或以公里計。均有所本。不加改易。冀免失真。

五，本人孤陋寡聞。率爾操觚。未足以言著述。尤不敢漫然災梨禍棗。因擬

求正有道。特將初稿付梓。以省鈔錄。敬祈

大雅宏達。加以匡糾。或賜補充材料。俾得再行寫定。曷勝企禱。

汲縣今志目錄

第一章 疆域

第二章 沿革

第三章 地勢及山脈

第四章 河流

第五章 氣候及雨量

第六章 戶口

第七章 風俗

第八章 自治及保甲

第九章 賦稅

第十章 教育

第十一章 交通

汲縣今志目錄

第十二章 農政

第十三章 水利

第十四章 農產

第十五章 鑛產

第十六章 工業

第十七章 商業

第十八章 人物

第十九章 名勝及古蹟

第二十章 今昔形勝之變遷

汲縣今志

汲縣宋村魏青銓初稿

第一章 疆域

汲縣在河南省北部。居黃河以北。太行山以東。爲故衛輝府治。俗仍稱曰衛輝。東至滑縣界四十里。至滑縣城一百里。西至輝縣界二十里。至輝縣城六十里。南至延津縣界十五里。至延津縣城七十里。北至淇縣界二十五里。至淇縣城六十里。東南至封邱縣城一百里。（縣界不毗連）西南至新鄉縣界二十五里。至新鄉縣城五十里。東北至濬縣界四十里。至濬縣城一百十里。西北至林縣界一百里。至林縣城二百里。（註一）距開封省會一百八十里。（註二）轄境東西廣八十五里。南北袤八十里。（註三）面積三千零八十方里。（註四）約占河南全省總面積二百十一分之一強。以百分率表示之。約爲百分之〇・四七二。（註五）

（註一）里數據衛輝府志。較嘉慶重修一統志及汲縣志。頗有出入。

（註二）亦據衛輝府志。與汲縣志及河南省政府所製各縣交通一覽表之里數相符。但嘉

汲縣今志

二

慶重修一統志及明史地理志。則云一百六十里。

(註三)據汲縣志。查衛輝府志係東西六十里南北五十里。嘉慶重修一統志則東西八十五里南北四十二里。

(註四)據民國二十二年河南省政府年刊。係民政廳依照陸地測量局所繪地圖計算。但二十年年刊所載。則僅二千六百五十方里。同屬官書。相差懸殊。今以出版在後者爲準。

(註五)河南全省總面積爲六十五萬一千四百九十六方里。

第二章 沿革

汲縣爲禹貢冀州之域。殷牧野地。周初屬衛。戰國屬魏。始有汲邑之名。秦屬三川郡。(郡治洛陽)漢始置汲縣。屬河內郡。(郡治懷縣。在今武陟縣境。)旋封公上不害爲侯國。元光時國除。魏屬朝歌郡。(郡治朝歌。在今濬縣之衛縣集。)晉始置汲郡。以縣爲郡治。其後縣廢。後魏復置。仍屬汲郡。(郡治枋頭。在今濬縣之淇門鎮。)東魏於本縣境內。僞置義州及五城等七郡十九縣。北齊悉省爲伍城郡伍城縣。而汲縣之名久廢。北周廢郡。(註一)以伍城縣屬衛州。(州治朝歌。

今地見上。隋開皇六年。復改爲汲縣。(註二)仍屬衛州。(大業初。廢州復爲汲郡。州郡均治衛縣。故朝歌也。今地見上。唐初復置義州。以縣爲州治。改汲郡爲衛州。旋義州廢。以縣屬衛州。(州治衛縣。)貞觀元年。始移衛州來治。五代至宋因之。金時遷州治於共城及胙城。(註三)元初仍還州治於此。嗣爲衛輝路治。明爲衛輝府治。清因之。民國初。曾移河北道治於此。縣治瀕衛河南岸。在東經一百十四度北緯三十五度二十分。(註四)古名陳城。宋白續通典謂「武王伐紂。於此列陳。故名。」其城垣爲東魏所築。明正統間。甃以磚。周六里一百三十步。闢門三。南曰迎薰。西曰眺行。北曰拱極。萬曆間。封潞王於此。拓城前三面。增七百二十二丈。計周八里七十步。并添開東門。曰賓陽。合爲四門。清代疊有修葺。查汲縣自漢至北齊之縣治。原在汲城。即戰國魏之汲邑。及東魏時。置義州五城等郡縣。寄治於陳城。北齊省汲縣入伍城縣。隋改伍城縣爲汲縣。均治陳城。於是汲城遂不復爲縣治。相沿迄今。其遺址在今縣治西南二十五里。名汲城村。青鉛謹按。嘉慶重修一統志汲縣下註。『晉泰始二年置汲郡。後廢。後魏太和十二年復置。』尋繹文義。似廢郡存縣。但同書之衛輝府建置沿革。則無廢郡之文。讀史方輿紀要等書。又漏無紀載。疑莫能明。及查魏書地形志汲郡汲縣下註。『二漢屬河內。晉屬。後罷。太和十二年復。』始知

係廢縣而非廢郡。又嘉慶重修一統志衛輝府建置沿革稱『興和二年置義州。北齊廢。』註引元和志。『後魏孝靜帝於汲縣置義州。以處歸附之人。』同書衛輝府古蹟伍城故城下。註引魏書地形志。備載伍城、泰甯、新安、澠池、恆農、宜陽、金門七郡之名。而不載十九縣縣名。讀史方輿紀要汲縣汲城下註。作二十八縣。泰甯復書作義甯。及查魏書地形志。果有七郡十九縣之名。但伍城均作五城耳。其郡縣名如下。義州領郡七。縣十九。五城郡領縣三。隰城、介休、五城。泰甯郡領縣三。泰甯、義興、邵陽。新安郡領縣三。西垣、新安、東垣。澠池郡領縣三。北澠池、俱利、西新安。恆農郡領縣三。恆農、北郊、峭。宜陽郡領縣三。宜陽、南澠池、金門。金門郡領縣一。北陸。又義州下註。『寄治汲郡陳城。』可知係僞置汲縣境內。而非與汲縣同治。但嘉慶重修一統志汲縣下註。『於此置義州。』文亦稍晦也。又同書河南統部表衛輝府下註。『東魏興和二年置州。併改郡名。』查義州係寄治於汲縣境內。其所領各郡縣。均無實土。此例南北朝時最多。不僅義州爲然。況汲郡仍在。乃指爲併改郡名。尤大謬誤。此外如府志縣志。謠以承謠。殊昧事實。故不惜辭費也。

(註一)嘉慶重修一統志及隋書地理志均同。

(註二)嘉慶重修一統志及隋書地理志均同。又隋初曾析置隋興縣。尋又析置陽源縣。大

業末。廢陽源入隋興。唐初廢隋興入汲。

(註三)金大定二十六年。以避河患。徙郡治於共城。尋復故。貞祐三年。徙治胙城。共城今輝縣。胙城今在延津縣境。

(註四)據中華郵政輿圖。

第三章 地勢及山脈

汲縣地勢。因有衛河橫貫。故可分爲南北二部。北部山阜蟠結。地勢略高。南部平曠野。極目無際。綜言之。全縣地勢。均屬於地文學上之沖積平原也。道清鐵路以南一帶。爲黃河故道。沙磧茫茫。尚多未墾。縱橫四顧。幾疑置身塞上。

河南全省山脈。在黃河以南者。屬於秦嶺山脈。在黃河以北者。屬於太行山脈。太行山脈爲陰山餘脈。綿亙千餘里。經故懷慶衛輝彰德三府西北。而入河北省境。爲河南山西河北天然界線。其間峯巒起伏。隨地異名。在汲縣境內者。如霖落山、壇山、蒼峪山等。皆太行支脈所凝結。

第四章 河流

汲縣境內河流。以衛河爲主。其他如蒼河、清水河、孟姜女河、太公泉等。涓涓小流。不足齒數。至黃